

J4 SABAC (SRB)

Ando 1941-dikno bers odole romen, ako Szerbijate ando Mačva régijóvo dzsivnahi, bute biboldóvenca ketháne hudinye taj liginye len ando lágeri paso Šabaci, aká sza le cele 2100 manusen téle livinkergye le nyimcike Wehrmachtoszkere kivégzőne osztaja.



1910

1951

1941

💡 Dzsannahi odá

... hogy o nyimciko lukesztipe sel civilike manusen livinkergyá téle vase jekhe nyimcike lukeszteszke, akasz o partizánnya mundargye po Balkáno? Páre diveha anglo šabaciko mundarkeribe o jugoszlávike partizánnya 21 nyimcike lukeszten mundargye ando harci.

... hogy buter des ezeri romen taj szinten mundargya o SS-i taj o fasisztiko lukesztipe ando Orosziko taj Ukrajnate maskar o 1941-dikno taj 1945-dikno bers?

✍️ Tumari búti

Po kípó saj hi te dikhen jek tanúve, ako vígig dikja, hogy szo kergye. Ugyan szo saj phengya akkoraráti pe barátoszke pal' odá, szo sztya?

📷 Palo kípó

Biboldóvike taj romane túszen lidzsen Šabaciszte, hogy o nyimcike lukeszte ári len te vigzinen. Yad Vashemoszkero Arhívumo, Jeruzsálemo, Izraelo.



<https://www.romasintigenocide.eu/romungro/j>